



SAOPŠTENJE ZA MEDIJE

SUDOVI U BiH SU NEDOVOLJNO TRANSPARENTNI

Sarajevo, 07.04.2016. godine

Poštovani,

Strukturalni dijalog o pravosuđu između Evropske unije i Bosne i Hercegovine, dominantno je nametnuo političku raspravu vezanu za krivičnu nadležnost Suda BiH. Pri tome je skoro zapostavljena problematika efikasnosti pravosuđa. Jedan od bitnih pokazatelja osposobljenosti i kapaciteta sudova odnosi se svakako i na javnu dostupnost informacija o njihovom radu.

Analiza javne dostupnosti informacija o radu 19 sudova (kantonalni i Vrhovni sud u FBiH, okružni i Vrhovni sud RS, te Osnovni i Apelacioni sud Brčko Distrikta BiH) ukazuje na nedovoljnu transparentnost većine sudova, te na neujednačenost prakse dostupnosti informacija.

Većina promatranih sudova ne objavljuje javno svoje godišnje izvještaje o radu. To naročito važi za Kantonalni sud u Sarajevu, na čijoj stranici se ne može naći niti jedan godišnji izvještaj o radu. Na drugoj strani, pozitivan primjer predstavljaju Vrhovni sud Republike Srpske, Okružni sud u Trebinju i Kantonalni sud u Livnu, koji su učinili dostupnim najviše godišnjih izvještaja o svom radu.

Informacije o završenim predmetima, odnosno presudama moguće je dobiti samo na stranici Suda BiH, te takav centraliziran i jednostavan prikaz predmeta nije dostupan na zvaničnim stranicama ostalih sudova koji su bili predmetom uvida.

Primjetne su i različite informacije o mogućnosti uvida u sudske spise na zvaničnim internet stranicama sudova. Samo na pojedinim sudovima u Federaciji BiH građanin može ostvariti uvid u sudske spise, dok kod drugih to nije omogućeno, uključujući i sudove u Republici Srpskoj i Distriktu Brčko.

I rubrika o aktuelnostima na stranicama sudova značajno varira. Neki sudovi, poput onih u Novom Travniku ili Doboju su veoma ažurni u ustupanju novih vijesti o svom radu, dok je nasuprot tome veoma oskudan u informacijama Kantonalni sud u Sarajevu, te u posljednjim godinama i Kantonalni sud u Mostaru.

Samo se kvalitetno informisano društvo može realno odrediti o vrednovanju rada sudova, te samim tim i osnažiti povjerenje građana u rad sudskih instanci, koje je dobro narušeno. To bi svakako trebali imati i na umu zvaničnici uključeni u strukturalni dijalog.

Cjelokupna analiza Centra za sigurnosne studije o istraživanju dostupnosti informacija o radu pojedinih sudova u BiH na Internetu je dostupna [ovdje](#).¹

S poštovanjem,



Dr. Denis Hadžović
generalni sekretar

¹ <http://tinyurl.com/CSS-Sudovi-042016>